

A evolución da demanda interna foi o elemento impulsor do crecemento económico en 1998, nun momento en que o sector exterior continúa perdendo forza por mor, neste ano, da crise financeira experimentada nalgúns países emerxentes.

Os diferentes indicadores do consumo privado amosaron unha aceleración da súa recuperación, onde destaca o comportamento da importación de bens de consumo, que creceu un 28,7% no ano 1998 en relación ó ano anterior, cando a súa taxa de crecemento foi do 20,4%.

En canto ó investimento, os indicadores da súa evolución e o descenso dos tipos de xuro reflicten un bo comportamento do investimento privado, en tanto que o investimento público non segue a mesma tendencia, ó descende-la licitación pública das diferentes administracións.

Pola súa banda, o investimento estranxeiro en Galicia experimentou un descenso do 23,3% respecto ó ano 1997, ó contrario do que acontece no resto do estado, onde creceu un 3,08%. O investimen-

to estranxeiro en Galicia en 1998 representou o 0,30% do total de España. O peso relativo deste investimentos só superou ó correspondente ás comunidades de Cantabria, Estremadura e Ceuta e Melilla.

Finalmente, en relación ó grao de execución do Programa Operativo de Galicia 1998 e a súa distribución por órganos executores, neste ano executouse un 15% máis do que se tiña presupostado. O principal órgano executor foi a Administración autonómica, con 185,57 millóns de euros (un 32,22% superior ó que estaba programado), seguida da Administración central (especialmente o Ministerio de Fomento), con 181,34 millóns de euros.

1.2.1.- Consumo

O **consumo privado** continúa a súa evolución positiva en 1998, segundo reflicten os principais indicadores económicos do consumo privado desde un punto de vista coxuntural, recollidos no **cadro 1.2.1.1.**

En Galicia, o comportamento das

CADRO 1.2.1.1. **Indicadores do consumo privado en Galicia e España 1997-98: taxas de variación interanuais**

	Galicia		España	
	1997	1998	1997	1998
Consumo de enerxía eléctrica	1,9	-	3,9	6,9
Consumo aparente de gasolina	-3,2	0,2	-2,7	10,8
Importacións de bens de consumo	20,4	28,7	16,8	17,6
Tráfico aéreo de pasaxeiros	9,8	-1,3	7,9	7,1
Ocupación hoteleira (1)	8,1	8,3	5,4	6,9
Matriculación de turismos	9,9	14,3	12,8	17,2

(1) pernoctacións en establecementos hoteleiros

Fonte: elaboración propia CES-Galicia a partir de datos do INE, IGE, AOP, AENA, ICEX

CADRO 1.2.1.2. **Tipos de xuros referentes a créditos para o consumo 1996-98**

(en %)

	Bancos	Caixas de aforros
1996	12,84	11,61
1997	10,68	10,01
<b>1998</b>		
Xaneiro	10,52	9,52
Febreiro	10,36	9,50
Marzo	10,29	9,39
Abril	10,25	9,33
Maio	10,23	9,29
Xuño	10,21	9,28
Xullo	10,22	9,20
Agosto	10,21	9,19
Setembro	10,21	9,07
Outubro	10,14	8,70
Novembro	10,02	8,65
Decembro	9,94	8,57

Fonte: Banco de España

importacións de bens de consumo que experimentan un importante crecemento en 1998, a evolución da ocupación hoteleira, a matriculación de turismos e o consumo de gasolina son indicadores que permiten ser optimistas respecto ó futuro, xa que o seu crecemento é superior ó experimentado o ano anterior. Pola contra, a taxa de crecemento do tráfico de pasaxeiros descende en relación á rexistrada o ano anterior, sendo negativa en 1998.

En España, os indicadores de consumo privado amosan a mesma tendencia positiva e, a diferenza do que acontece en Galicia, a taxa de crecemento do tráfico de

pasaxeiros é positiva, aínda que inferior á existente no ano anterior.

A evolución dos tipos de xuro tamén tivo o seu impacto neste apartado. O **cadro 1.2.1.2.** reflicte o importante descenso experimentado nos tipos de xuro dos créditos ó consumo. No ano 1998, o seu descenso no caso dos bancos e das caixas de aforro foi de 0,58 puntos e 0,95 puntos, respectivamente.

A renda familiar bruta dispoñible (RFBG) é un indicador do poder de compra das familias, o que xustifica a importancia da súa análise. Segundo os datos

**Renda familiar bruta dispoñible (poder de compra) nas CC.AA. 1997-98**

	RFBD (poder de compra)		Renda familiar (poder de compra) por habitante		Índice por habitante	
	1997	98/97	1997	98/97	1997	98/97
	(en millóns de pesetas)					
Andalucía	9.161.060	9.827.839	1.267.402	1.354.039	81,62	81,51
Aragón	2.088.773	2.258.133	1.762.987	1.910.735	113,53	115,03
Asturias	1.597.505	1.689.276	1.473.471	1.563.995	94,89	94,15
Baleares	1.685.318	1.838.269	2.142.459	2.294.902	137,97	138,15
Canarias	2.477.270	2.652.800	1.528.006	1.617.763	98,40	97,39
Cantabria	808.667	869.533	1.533.364	1.651.356	98,74	99,41
Castela-A Mancha	2.410.793	2.580.131	1.404.668	1.500.289	90,46	90,32
Castela e León	3.904.586	4.223.186	1.565.087	1.704.003	100,79	102,58
Cataluña	10.598.858	11.343.094	1.725.813	1.842.911	111,14	110,94
C. Valenciana	6.287.157	6.732.303	1.565.905	1.668.931	100,84	100,47
Extremadura	1.447.045	1.546.291	1.352.564	1.446.351	87,10	87,07
<b>Galicia</b>	<b>3.960.990</b>	<b>4.237.620</b>	<b>1.450.463</b>	<b>1.556.440</b>	<b>93,41</b>	<b>93,70</b>
Madrid	8.839.976	9.460.793	1.742.168	1.854.876	112,19	111,66
Murcia	1.515.415	1.630.271	1.365.839	1.456.793	87,96	87,70
Navarra	868.929	939.656	1.644.780	1.771.619	105,92	106,65
País Vasco	3.512.741	3.772.404	1.674.559	1.799.897	107,84	108,35
A Ríoxa	478.374	512.479	1.811.145	1.944.803	116,63	117,08
Ceuta	95.547	101.517	1.339.638	1.406.696	86,27	84,68
Melilla	73.147	77.396	1.223.112	1.283.516	78,77	77,27
<b>Total</b>	<b>61.812.151</b>	<b>66.292.991</b>	<b>1.552.854</b>	<b>1.661.142</b>	<b>100,00</b>	<b>100,00</b>

Fonte: Funcas

**Consumo público 1997-98: distribución por Administracións**

	1997		1998		98/97	
	Xunta (t)	Deputacións	Adm. do Estado	Xunta (t)	Deputacións	Xunta (t) Deputacións (%)
	(en millóns de pesetas)					
Gastos de persoal	299.927	11.077.04	55.936.80	317.582	11.607.56	4,8
Gastos en bens correntes e servizos	101.036	7.929.62	11.862.12	111.121	7.948.36	10,0

(1) datos a partir dos presupostos consolidados

Fonte: elaboración propia CES-Galicia a partir de datos da Xunta de Galicia e da Delegación do Goberno en Galicia

CADRO 1.2.2.1.

**Indicadores do investimento en Galicia  
e España 1997-98: taxas de variación interanuais**

	Galicia		España	
	1997	1998	1997	1998
Consumo de cemento	1,7	7,5	10,3	19,5
Licitación oficial de tódalas AA.PP.	143,2	-29,4	2,1	46,9
Licitación oficial da Admon. autonom.	98,3	-10,6	-3,1	56,1
Importacións de bens de equipo	15,3	25,2	17,8	13,8
Matriculación de vehículos de carga	11,4	8,7	19,7	12,8

Fonte: elaboración propia CES-Galicia a partir de datos do INE, IGE, ICEX, OFICEMEN e SEOPAN

facilitados pola Funación das Caixas de Aforros Confederadas, recollidos no **cadro 1.2.1.3.**, o poder adquisitivo creceu en España un 7,25% respecto a 1997, para situarse en 66.292.991 millóns de pesetas. En Galicia, cun incremento do 6,98%, este poder de compra chegou ós 4.237.620 millóns de pesetas. Se se mide o poder de compra a través da renda familiar per cápita, ésta aumentou en tódalas comunidades autónomas. Mentres que en España medrou un 6,97%, en Galicia o seu incremento foi do 7,31%.

En 1998, Galicia mellorou a súa posición relativa respecto a España, e respecto a 1997. Sen embargo, segue a estar por debaixo da media estatal e a súa situación relativa é peor que en 1994 e 1995. Do cadro comparativo coas outras comunidades autónomas, dedúcese que nove comunidades están por riba da media española: Aragón, Baleares, Castela-León, Cataluña, Comunidade Valenciana, Madrid, Navarra, País Vasco, e A Rioxa, e que Galicia está en mellor posición que Andalucía, Castela A Mancha, Extremadura e Murcia, ademais de Ceuta e Melilla.

En canto ó **consumo público**, o comportamento da Administración viuse influido polas políticas destinadas a alcanza-la converxencia nominal cos socios da Unión Europea. Tomando como indicado-

res do comportamento do consumo público os datos recollidos nos capítulos I (gastos de persoal) e II (gastos en bens correntes e servicios) dos presupostos de gasto, o **cadro 1.2.1.4.** reflicte a evolución dos mesmos e o seu nivel en 1998. Estes capítulos creceron un 5,9% e un 10%, respectivamente e destaca a importancia da Xunta.

## 1.2.2.- Investimento

Á hora de analiza-la evolución do investimento, cómpre considera-lo comportamento de diferentes indicadores. O **cadro 1.2.2.1.** reflicte o diferente comportamento do investimento público e privado. O primeiro descendería, xa que a licitación pública das administracións –central e autonómica– descende en 1998. O resto dos indicadores amosan un bo comportamento do investimento privado.

Así, o consumo de cemento, indicador importante da evolución da construción, continúa coa súa recuperación e resulta ser un dos elementos explicativos da evolución do devandito sector en 1998. Salienta tamén a aceleración das importacións de bens de equipamento, que crecen un 25,2% en 1998 fronte ó 15,3% do ano anterior.

Outra variable que permite compren-

CADRO 1.2.2.2.

Tipo medio dos préstamos hipotecarios a máis de tres anos 1996-98

(en %)

	Bancos	Caixas de aforros	Conxunto entidades
1995	11,157	10,803	11,010
1996	8,025	8,345	8,174
1997	6,196	6,328	6,255
<b>1998</b>			
Xaneiro	5,988	6,268	6,115
Febreiro	5,879	6,099	5,980
Marzo	5,827	5,978	5,896
Abril	5,659	5,906	5,776
Maio	5,603	5,817	5,700
Xuño	5,545	5,744	5,636
Xullo	5,513	5,690	5,592
Agosto	5,572	5,697	5,628
Setembro	5,439	5,680	5,548
Outubro	5,428	5,575	5,495
Novembro	5,176	5,440	5,269
Decembro	5,052	5,265	5,150

Fonte: Banco de España

CADRO 1.2.2.3.

Stock de capital neto territorializado 1993-94

(en millóns de pesetas de 1990)

(%)

	Capital privado (1)	Capital público (2)	Capital total	Capital priv./Capital total	Capital publ./Capital total
1991	6.303.989	1.294.822	7.598.811	83,0	17,0
1992	6.452.768	1.399.682	7.852.449	82,2	17,8
1993	6.535.375	1.500.875	8.036.250	81,3	18,7
1994	6.605.526	1.609.104	8.214.630	80,4	19,6


(1) excluído o sector enerxético

(2) inclúe capital das AA.PP. e infraestruturas non AA.PP.

Fonte: Fundación BBV, El stock de capital en España y su distribución territorial (1998)

GRÁFICO 1.2.2.1.

Stock de capital neto territorializado 1975-94



Fonte: Fundación BBV, El stock de capital en España y su distribución territorial (1998)

de-la evolución do investimento en Galicia é a caída dos tipos medios dos préstamos hipotecarios a máis de tres anos. O **cadro 1.2.2.2.** reflicte cómo para o conxunto de entidades, o tipo de xuro reduciuse en máis de 3 puntos desde 1996, sendo a súa redución de case un punto ó longo de 1998.

Motivada en parte pola redución dos tipos de xuro, conséntase unha redución da carga financeira e do coeficiente de endebedamento, tal e como reflicten os **cadros 4.0.7.** (*Evolución da actividade empresarial galega 1996-97: ingresos, gastos e resultados*) e **4.0.10.** (*Rendibilidade e magnitudes asociadas das empresas galegas 1996-97*)

O **stock de capital neto territorializado** en Galicia para o ano 1994, último dato recollido no libro “El stock de capital en España y su distribución territorial”, publicado en 1998 pola Fundación BBV, ascendeu, tal e como reflicte o **cadro 1.2.2.3.**, a 8.214,6 miles de millóns de pesetas, un 2,22% máis que o ano anterior. Desacantidade, o 80,4% corresponde ó capital privado, en tanto que o 19,6% restante sería o correspondente ó capital público.

Comparada co resto das comunidades autónomas, o **cadro 1.2.2.4.** reflicte que Galicia está por debaixo da media española tanto no que ó stock de capital neto total se refire, como no caso do stock de capital público e privado.

En 1994, ó igual que no ano anterior, Galicia é a novena comunidade con maior stock de capital neto e stock privado de capital, superada por Andalucía, Baleares, Canarias, Cataluña, A Ríoxa, Madrid, Murcia e a C. Valenciana. No caso do volume de stock de capital público, Galicia segue situada no noveno posto.

A mesma fonte presenta o investimento bruto privado por ramas de actividade. No **cadro 1.2.2.5.** pódese apreciar que os servizos destinados á venda son o sector que máis investimento privado recibe, con 241,5 miles de millóns de pesetas, o que significa o 44,70% do total investido en 1994. Dentro deste sector destacan as comunicacións, co 11,12% do total investido no sector, seguidas das institucións de crédito e seguros, co 10,35%, e a hostelería e restauración, co 8,32%.

O devandito cadro amosa o peso relativo do investimento privado galego no total español. Salienta o peso relativo do investimento privado no sector privado (especialmente na pesca) e no sector de produtos enerxéticos, que superan claramente o peso relativo medio do investimento galego no total estatal.

#### Investimento estranxeiro

Segundo os expedientes de verificación/autorización de investimentos estranxeiros en España, o investimento estranxeiro en Galicia (IEG) ascendeu a 9.431 millóns de pesetas en 1998, fronte ós 12.294 millóns de pesetas do ano anterior. Como se pode apreciar nos **cadros 1.2.2.6.** e **1.2.2.7.**, o problema radica non só no seu escaso valor en comparación coas outras comunidades autónomas, senón que o importe efectivo do mesmo descende un 23,29% respecto ó ano anterior, cando, para o conxunto do estado, o investimento estranxeiro aumentou nun 3,08%.

O **cadro 1.2.2.7.** reflicte que o investimento estranxeiro en Galicia en 1998 representou o 0,30% do total de España, superando só ó peso relativo destes investimentos ó existente nas comunidades de Cantabria, Estremadura e Ceuta e Melilla.

**CADRO 1.2.2.4.**
**Índices do stock de capital neto total territorializado nas CC.AA. 1994-94**

(base 1964=100)

	Capital neto total		Capital público		Capital privado	
	1993	1994	1993	1994	1993	1994
Andalucía	369,9	378,1	828,0	866,9	327,7	333,0
Aragón	308,8	315,8	458,8	476,0	285,0	290,4
Asturias	246,9	250,3	586,1	630,3	216,7	216,5
Baleares	586,3	599,8	653,3	685,9	579,4	590,9
Canarias	575,5	589,6	926,5	972,8	528,5	538,3
Cantabria	252,0	257,9	651,0	692,4	222,8	226,1
Castela-A Mancha	345,0	354,8	564,9	592,0	313,0	320,4
Castela e León	302,8	309,2	470,5	490,0	277,9	282,3
Cataluña	367,9	376,5	740,3	799,4	343,7	349,0
Estremadura	291,1	299,4	588,5	622,0	244,8	249,2
<b>Galicia</b>	<b>360,2</b>	<b>368,2</b>	<b>659,9</b>	<b>707,5</b>	<b>326,2</b>	<b>329,7</b>
A Rioxa	442,0	447,2	844,0	853,4	388,0	392,6
Madrid	371,0	383,8	802,3	840,6	348,7	360,2
Murcia	431,5	444,2	986,4	1.034,5	391,5	401,6
Navarra	334,2	348,0	601,9	635,8	296,2	307,2
País Vasco	251,3	254,9	964,4	1.012,0	211,2	212,2
C. Valenciana	471,0	483,1	893,7	944,4	440,8	450,2
<b>Total</b>	<b>360,0</b>	<b>368,8</b>	<b>704,2</b>	<b>742,9</b>	<b>328,8</b>	<b>334,8</b>

(1) excluído o sector enerxético

 Fonte: Fundación BBV, *El stock de capital en España y su distribución territorial* (1998)

**CADRO 1.2.2.5.**
**Investimento bruto privado en Galicia e España 1993-94:  
distribución segundo ramas de actividade**

(en millóns de pesetas)

(%)

	Galicia		España		G/E	
	1993	1994	1993	1994	1993	1994
Agricultura	35.896	32.529	262.856	309.746	13,7	10,5
Pesca	4.467	3.863	13.563	12.271	32,9	31,5
Productos enerxéticos	48.306	70.433	535.844	589.032	9,0	12,0
Productos industriais	66.939	67.557	1.527.521	1.397.876	4,4	4,8
Total prod. enerxéticos e industriais	115.245	137.990	2.063.365	1.986.909	5,6	6,9
Construcción	11.893	14.322	157.790	174.922	7,5	8,2
Residencial	113.938	110.200	2.573.190	2.683.580	4,4	4,1
Servicios destinados a venda	226.926	241.570	3.804.712	4.353.565	6,0	5,5
<b>Total territorializado</b>	<b>508.366</b>	<b>540.473</b>	<b>8.875.476</b>	<b>9.520.993</b>	<b>5,7</b>	<b>5,7</b>

 Fonte: Fundación BBV, *El stock de capital en España y su distribución territorial* (1998)

Unha **análise xeográfica** deste fluxo de investimento extraída do **cadro 1.2.2.6.** reflicte que o 40,37% do investimento estranxeiro procede da UE (3.807,55 millóns de pesetas), onde salienta, por encima de tódolos países, o investimento do Reino Unido, que ascende a 1.457 millóns de pesetas. As empresas españolas con capital estranxeiro maioritario aportan o 28,51% do investimento estranxeiro en Galicia.

Comparando esta distribución dende o punto de vista xeográfico coa española, o dito **cadro 1.2.2.6.** amosa algunha diferenza salientable. Así, no caso español, hai unha maior concentración nos países da UE, xa que aportan ó 55,36% do total do investimento estranxeiro en España, fronte ó 40% de Galicia. A situación é diferente no caso do investimento de empresas de Estados Unidos, xa que o seu peso relativo en Galicia é superior ó de

CADRO 1.2.2.6.

Expedientes de verificación/autorización de investimentos estranxeiros en Galicia e España 1997-98: distribución por zonas xeográficas de orixe

(en millóns de pesetas)

	Galicia		España		G/E	
	1997	1998	1997	1998	1997	1998
	Importe	%	Importe	%	Importe	%
<b>Paises UE</b>	11.882,13	90,20	3.807,55	40,37	1.591.849,19	62,05
Francia	5.518,82	41,90	17,34	0,18	353.713,06	13,79
Béxica	1,24	0,01	125,00	1,33	57.393,56	2,24
Luxemburgo	590,52	4,48	505,00	5,35	47.183,75	1,84
Paises Baixos	0,00	0,00	742,30	7,87	434.564,27	16,94
Alemaña	0,00	0,00	504,66	5,35	409.107,22	15,95
Italia	0,00	0,00	62,42	0,66	52.873,42	2,06
Reino Unido	435,27	3,30	1.457,02	15,45	198.532,74	7,74
Irlanda			70,00	0,74	3.552,28	0,14
Dinamarca			0,50	0,01	1.248,87	0,05
Grecia					0,00	0,00
Portugal	5.336,28	40,51	323,31	3,43	15.895,50	0,62
Suecia					14.944,85	0,58
Austria					1.332,17	0,05
Finlandia					1.507,50	0,06
<b>Paises non UE</b>	410,11	3,11	2.934,91	31,12	392.765,80	15,31
<b>Desenvolvidos</b>			1.690,48	17,92	198.002,72	7,72
EE.UU.			1.624,70	17,23	5.214,35	0,20
Canadá					33.591,09	1,31
Xapón					124.028,22	4,83
Resto Europa			65,78	0,70	31.929,42	1,24
<b>Endesenvolvemento</b>	410,11	3,11	1.244,43	13,19	12.410,67	0,48
América Latina	396,31	3,02	966,69	10,25	113,69	0,00
N.P.I	11,80	0,09			19.405,16	0,76
RestoMundo	880,53	6,68	2.688,81	28,51	580.704,99	22,64
<b>España</b>	13.172,77	100,00	9.431,27	100,00	2.565.319,86	100,00
<b>Total</b>					3.195.954,96	100,00

Fonte: Dirección General de Política Comercial e Inversiones Exteriores



CADRO 1.2.2.7. Expedientes de verificación/autorización de investimentos estranxeiros nas CC.AA. 1997-98

(en millóns de pesetas)

	1997		1998		98/97
	Importe	%	Importe	%	%
Andalucía	160.514,81	5,18	105.040,84	3,29	-34,56
Aragón	22.877,81	0,74	69.869,42	2,19	205,40
Asturias	158.160,75	5,10	16.896,70	0,53	-89,32
Baleares	19.178,05	0,62	29.555,44	0,92	54,11
Canarias	82.679,54	2,67	68.108,17	2,13	-17,62
Cantabria	27.651,65	0,89	5.353,42	0,17	-80,64
Castela e León	27.990,48	0,90	33.903,16	1,06	21,12
Castela-A Mancha	6.927,65	0,22	26.016,93	0,81	275,55
Cataluña	692.462,39	22,33	897.938,12	28,10	29,67
C. Valenciana	46.191,91	1,49	50.082,76	1,57	8,42
Extremadura	2.512,25	0,08	3.424,33	0,11	36,31
<b>Galicia</b>	<b>12.294,42</b>	<b>0,40</b>	<b>9.431,26</b>	<b>0,30</b>	<b>-23,29</b>
Madrid	1.333.168,38	43,00	1.597.200,01	49,98	19,80
Murcia	28.192,55	0,91	28.038,81	0,88	-0,55
Navarra	251.279,08	8,10	36.419,86	1,14	-85,51
País Vasco	203.225,24	6,55	200.796,57	6,28	-1,20
A Rioxa	8.165,06	0,26	14.027,64	0,44	71,80
Ceuta-Melilla	-	-	205,81	0,01	-
Varias	12.429,34	0,40	3.645,68	0,11	-70,67
<b>Total</b>	<b>3.100.401,34</b>	<b>100,00</b>	<b>3.195.954,93</b>	<b>100,00</b>	<b>3,08</b>

Fonte: Dirección General de Economía Internacional y Transacciones Exteriores

España (17,23% fronte ó 8,77% en España), mentres que a importancia relativa do investimento por parte de empresas españolas con participación estranxeira maioritaria é similar en ámbalos dous ámbitos xeográficos.

Atendendo á distribución de expedientes de verificación/autorización de investimentos estranxeiros por ramas de actividade, apréciase unha concentración importante en 4 sectores: “industria manufacturera”, “outras actividades sociais”, “actividade sanitaria” e “actividade inmobiliaria”. Entre todos eles, acollen ó 73,7% do investimento estranxeiro en Galicia. España presenta a mesma característica de concentración sectorial, xa que as súas catro ramas de actividade máis importantes acollen ó 87,7% do investimento estranxeiro (cadro 1.2.2.8.).

### 1.2.3.- Fondos da Unión Europea

No proceso de integración económica no que estamos inmersos, os distintos

países parten de situación desiguais. Para paliar esas diferencias existen na UE unha serie de fondos e iniciativas comunitarias destinadas a lograr unha maior converxencia real entre as distintas rexións.

Tal e como reflicte o **cadro 3.2.2.** (Situación financeira dos instrumentos de política rexional), o instrumento de Política Rexional máis importante é o **Feder**, xa que os pagamentos a prol da Comunidade Autónoma de Galicia (Obxectivo I) ascenderon a 57.190,4 millóns de pesetas, segundo os datos do Ministerio de Economía e Facenda. Estes pagamentos supuxeron o 18,14% dos efectuados ás comunides autónomas consideradas obxectivo I e o 13,49% do total cobrado.

A contribución financeira do **Feoga-Orientación** en 1997, por aplicación dos recursos a 31/12/97, elevouse a 7.677,6 millóns de pesetas, o que supuxo o 12,26% do total aplicado polas comunidades e o 8,43% do total dos fondos, incluíndo os pendentes de aplicación.

CADRO 1.2.2.8.

Expedientes de verificación/autoización de investimentos estranxeiros en Galicia e España 1997-98: distribución segundo actividade económica

(en millóns de pesetas)

	Galicia		España		G/E	
	1997	1998	1997	1998	1997	1998
	Importe	%	Importe	%	Importe	%
A- Agríc. gan. caza e selvíc.	-	-	4.552,64	0,18	15.291,39	0,48
B- Pesca	-	-	1,41	0,00	1.539,70	0,05
C-Ind. Extractiva	-	-	22.939,86	0,89	33.978,31	1,06
D-Ind. Manufactur.	11.912,70	90,43	1.185.627,98	46,22	1.043.937,84	32,66
E-Enerx. eléc. gas, auga	-	-	411,10	0,02	39.798,12	1,25
F-Constr.	-	-	13.403,17	0,52	8.846,10	0,28
G-Comerc.rep.vehic.	659,83	5,01	298.559,33	11,64	492.893,42	15,42
H-Hotelar.	-	-	25.027,21	0,98	19.422,59	0,61
I-Transporte comunic.	1,24	0,01	31.372,74	1,22	96.061,92	2,97
J-Interm. financeiros	-	-	225.384,64	8,79	449.117,99	14,05
K-Actividade inmobiliaria	599,00	4,55	684.316,92	26,68	817.261,03	25,57
M-Educación	-	-	12,00	0,00	11.585,33	0,36
N-Actividade Sanitaria	-	-	9.657,51	0,38	20.892,98	0,65
O-Outr. activ. sociais	-	-	64.053,35	2,50	146.256,62	4,58
<b>Total</b>	<b>13.172,77</b>	<b>100</b>	<b>2.565.319,86</b>	<b>100</b>	<b>3.195.954,33</b>	<b>100</b>

Fonte: Dirección General de Economía Internacional y Transacciones Exteriores

Grao de execución do Programa Operativo de Galicia 1994-99: distribución segundo órganos executores

(en millóns de euros)

	1998			Total 1994-1998			Total 1994-1999		
	Programado	Executado	%	Programado	Executado	%	Programado	Executado	%
<b>Administración central</b>	172,628	181,342	105,05	870,360	764,261	87,81	956,365	764,261	79,91
M. Agricultura y Pesca	2,032	3,971	195,42	9,237	15,176	164,29	11,371	15,176	133,46
M. Economía y Hacienda	6,080	2,327	38,28	44,087	43,994	98,79	44,087	43,994	99,79
M. Medio Ambiente	3,225	-	-	5,160	1,002	19,41	8,385	1,002	11,95
M. Fomento	161,291	175,044	108,53	811,876	704,090	86,72	892,522	704,090	78,89
<b>Administración autonómica</b>	140,352	185,568	132,22	983,331	943,478	95,95	1.129,014	943,478	83,57
<b>Empresas Públicas</b>	53,467	56,434	105,55	341,882	289,488	84,67	385,467	289,488	75,10
Sdad. Infraest. y Equin. Penitencia	-	6,758	-	29,894	27,574	92,24	29,894	27,574	92,24
Red Eléctrica de España S.A.	-	-	-	20,032	21,900	109,32	20,032	21,900	109,32
Empresa Nacional de Celulosas S.A.	-	-	-	12,902	14,460	112,07	12,902	14,460	112,07
Compañía Logística de Hidrocarburos	22,239	17,502	78,70	99,870	11,985	104,40	11,480	11,985	104,40
Telefónica de España S.A.	15,507	10,904	70,32	64,051	34,410	49,04	76,438	34,410	41,09
Rente	2,013	1,673	83,13	8,303	5,184	62,44	11,607	5,184	44,66
Fevs	0,748	2,250	300,76	17,798	13,236	74,37	17,798	13,236	74,37
Sepes	5,526	4,085	73,93	21,409	11,063	51,67	25,903	11,063	42,71
Retevisión	0,890	5,220	586,50	12,657	18,648	147,33	12,657	18,648	147,33
Aena	2,292	-	-	10,774	7,738	71,82	10,774	7,738	71,82
Autor. Portuaria El Ferrol	0,677	1,355	200,18	9,678	7,269	75,11	9,678	7,269	75,11
Autor. Portuaria Mariña-Pontevedra	2,220	4,664	210,09	12,065	13,287	110,13	12,065	13,287	110,13
Autor. Portuaria de Vigo	1,355	2,023	149,32	10,969	8,846	80,64	10,969	8,846	80,64
Autor. Portuaria de Vilagarcía	-	-	-	7,098	9,881	139,20	7,098	9,881	139,20
<b>Outros</b>	-	-	-	-	-	-	-	-	-
<b>Total</b>	<b>366,447</b>	<b>423,344</b>	<b>115,53</b>	<b>2.202,671</b>	<b>2.007,107</b>	<b>91,12</b>	<b>2.477,944</b>	<b>2.007,107</b>	<b>81,00</b>

Fonte: Dirección General de Análisis y Programación Presupuestaria

No que ó **IFOP** se refire, a contribución financeira por aplicación dos recursos a 31/12/97 ascendeu a 20.241,8 millóns de pesetas, o que representou o 23,73% do total aplicado polas comunidades autónomas e o 17,17% do total dos fondos incluíndo os pendentes de aplicación.

As axudas do **FSE** en 1997 ascenderon a 15.463,5 millóns de pesetas, sendo o número de persoas beneficiadas de 77.230. No reparto destes fondos, ó marco plurirrexional correpondéronlle un total de 10.222,9 millóns de pesetas e á comunidade autónoma, 5.240,7 millóns de pesetas, o que supuxo o 8,67% do total das zonas obxectivo I e o 6,01% do total dos fondos.

Os pagamentos do **Fondo de Cohesión** recibidos pola C.A. de Galicia en 1997 ascenderon a 27.029,8 millóns, o que supuxo o 15,87% do total dos pagos recibidos durante ese ano.

Finalmente, o **cadro 1.2.3.1.** reflicte o grado de execución do Programa Operativo de Galicia 1998 e a súa distribución por órganos executores. Nel pódese apreciar que neste ano executouse un 15% máis do que se tiña presupostado. O principal órgano executor é a administración autonómica, con 185,57 millóns de euros (un 32,22% superior ó que estaba programado), seguida da administración central (especialmente o Ministerio de Fomento) con 181,34 millóns de euros.

No período 1994-99 executouse o 91,12% do total programado para ese período en Galicia, sendo o grado de execución no caso da administración galega do 95,95%. ■